



星野
正氣

樂恬散人許楸

題于蘇臺

書
卷
之
五
五

敘

余昔閱外科正宗嘗病其紕繆欲正之未暇也旣而從
長洲蔣氏夔得吳江徐氏大椿批本尋覽數四歎爲暗
室一鑑遂屬季弟楣手訂余隨時覆勘俾成完書季弟
間出其稿以示同邑蔣子光焞蔣子願肩校婺之任已
訖功請余爲之敘乃言曰醫仁術也而易入於不仁外
科爲尤矣內科之爲醫技無高下鮮不欲人之生者聲
譽稍著忝驕自大有請不時往病者外言爲不仁矣
外科非欲人之死也內科之病綿綿如懷也如醫拯

溺外科之病不遽壞人也緩之

見功

急而

資焉賤藥而貴貨不仁甚矣雖然此

言乎業外科之

無良者也苟有肺腸何遽至是蓋又有入於不仁而不

自知者矣何以言之外科者內科之緒餘也而瘍醫特

爲世所賤簡通人勝流恥以是名業此者大都習內科

不成而後遁於外科操之旣無其本所恃獨方藥之末

然且錮藏深秘諱所自得其方之良者旣已隘於施濟

而其未盡良者或至於殺人夫以無本之學守什伯成

方漫爲飛蟲之弋獲至於殺人而不思所變計此所謂

徐敘

從來外科必須傳授成名家者另有奇方秘法或各有
專長之症每試必效非若內科多讀古書可以對症用
藥也若大概辨別生死指名瘡症內服外敷自唐及明
其法詳備此書所載諸方大段已具又能細載病名各
附治法條理清析所以凡有學外科者問余當讀何書
則令其先閱此書以爲入門之地然後再求良法歲在
丁亥有問道者欲得余詳爲去取并加批點余因從首
至尾細閱一過見其所立醫案荒謬全無無益藏至

所載之方全屬誤用尤可恨者將惡毒之藥以爲常用之品輕者變重重者立死猶自詡以爲神奇後人讀此書者信以爲然事事效法殺人無算全無悔悟云此乃外科之真傳現有醫藥可據其尤痛者乃瘡之本症其死者乃其人之應死罪首禍魁皆此書也於是奮筆痛罵指其背謬以爲讀此書之戒至其分症列方頗爲明備全在施用不得因此人用法不善而并其所載之古方而廢之也洄溪道人徐大椿識

入於不仁而不自知者也於此有人焉爲之破其所恃
示以用方之宜與夫方之偏正純雜寒熱緩急所當詳
審及汰其可以殺人者因論治法俾知深求於其本而
出之無至試藥而費人其爲仁術孰大於是然徐批此
書近百年轉相傳鈔未有知棗之者蔣子獨引以爲已
任昔賢謂棗人詩文集比於掩骼薶鬻棗此而傳其於
生死而肉骨也以恒河沙計無有旣極豈直爲徐氏掩
薶功臣蔣子之用心亦矣哉抑余觀徐氏自敘本爲
問道者發固將以垂示來後以爲一人之藏乃

或者議余季弟與蔣子輕濫枕秘又何其自同於不仁
也咸豐十年歲在庚申花朝前三日樂恬散人許槿書
於靜心多大年室

附錄

許槿曰。古人言醫不三世。不服其藥。蓋以其閱歷深而傳授精也。徐氏謂外科必須傳授。亦是此意。然不如身嘗其苦者知之尤確。王緒全生集有云。凡疽初起。即使平塌。不可用托。托則成功。余家治法。以消爲貴。以托爲畏。卽流注癰癤惡核。儻有潰者。仍不敢托。托則潰者雖斂。增出者又當如何耶。真外科千古名言。非余身經體驗不知。憶余三十歲時。右大腿後患一癰。初起紅腫疼痛。根盤約有寸餘。自揣非攻托不可。數針並消散湯。

劑悉屏棄不用。服攻托藥三數劑。遂大如。膿尚未
成。更用大劑攻托。根盤愈大。痛不可言。膏藥自後面環
至前面。幾無罅隙。及內膿已熟。頭尙未穿。用齧頭膏。齧
破膿泄如注。方能不痛。自此按之有膿。卽換貼膏藥。并
重糝呼拔末藥。每日換下膏藥。總有一竹箕。瘡口大如
拇指。凡十二日而收功。自以爲用藥精而手段佳。實不
知攻托之爲患不淺矣。近二十年來。患對口者數次。患
背疽小腹癰者。又各二三次。卽服西黃丸。隨服隨消。戊
午年頭面生疔疽十一箇。甚危險。亦賴西黃丸之力居。

多。今年庚申正月。背左又患一疽。漫腫無頭。顏色不變。越日卽如豬肝色。長約三寸。闊二寸餘。第三日有頭數十箇。其點甚細。兩旁尙有漫腫無頭者。第四日有淡黃硬膿。約半粒米大。旁腫處亦照前變豬肝色。第五日硬膿轉爲軟膿。並無稠水。揭膏藥時。膿卽黏下。瘡口深約半分。細如綫香。其數頭并爲一頭者稍大。裏面尙有老膿。仍蓋膏藥。第六日膿頭隨膏藥揭出。已是精肉。第七日長平。第八日有嫩皮。自此不換膏藥。至第十二日癢甚。揭看已是老皮。並不結痂。亦無疤迹。合計數十頭所

出之膿。不及一匙。惟最後一頭出稀膿。三。乾膿兩日而愈。所用之藥。初時外敷紫蟾錠。內服阜角刺四兩。生甘草三錢。兩劑後。接服西黃丸。小金丹。陽和湯。隨後調理脾胃。益信全生集以消爲貴。以托爲畏。二語。真外科金鍼。而西黃丸爲消藥第一。卽角刺消散之力亦甚大。大概用角刺不過五六分至二三錢而止。便是托藥。用至四兩。方是消藥。但服後如未成膿。卽消。儻已有膿。則必大痛。而出膿較速。不至蔓延。卽是功效。此皆余歷經體驗得來。特揭出爲世之業瘍醫者告焉。

槌又曰。紫蟾錠者。合紫金丹蟾酥錠二方而成。用作消藥極驗。無論陰陽二毒皆可敷。二方已見此書疔瘡門。但分合銖兩不同。藥味亦有加增。今另載如左。

山茨菰

二錢去毛皮焙

川文蛤

二錢去蚌末炒

千金霜

一錢去油淨

紅芽大戟

一錢五分去蘆根洗淨焙惟須杭州紫大戟為佳。北方縣大戟性烈不堪用。

原麝香

一錢揀淨毛皮

明硃砂

二錢漂淨

雄黃

一錢揀鮮紅者

寒水石

三錢煨

銅綠

一錢

膽礬

一錢

明乳香

一錢去油淨

沒藥

一錢去油淨

蜈蚣

二錢去頭足炒

全蠍

一錢酒炒

川山甲

一錢炙

僵蠶

一錢洗去絲炒

蟾酥

二錢
酒化

血竭

一錢

梅

片五
分

枯礬

一錢
六分

藤黃

四錢
酒化

輕粉

五分

紅砒

三錢

皂角刺

一錢
炒

以上各研各藥。每味若干。稱準淨末。合和一處。再研極細。先用蝸牛二十一箇。微擣去殼。再同蟾酥藤黃和研稠黏。方入各藥。其擣極勻。做成小錠。放石灰罈中收燥。另以甕瓶裝盛聽用。

槌又曰。是書第七卷流注門。附載大活絡丹一方。內有白花蛇。李瀕湖本艸綱目云。此蛇出黔蜀及蘄州。以蘄

產爲上。蘄產者。龍頭虎口。黑質白花。脇有二十四方勝。腹有念珠斑。尾有佛指甲。死後兩眼突出不閉。非蘄產者。兩眼皆閉而枯。卽蘄州交界所出。便一開一閉。以此辨別地道最確。以鮮時重四五兩者爲上。七八兩者次之。重數斤長一丈數尺者。力反薄。不堪用。今藥肆所售。僞者居多。甚至取尋常初出小蛇。重不過數錢者。用五色花綫繞紮成餅。以炫人目。兩眼俱陷。無方勝及佛指甲等形。烏梢蛇亦蘄產。以背有劒脊形者爲真。他產則否。大活絡丹以此二蛇爲最要之品。此品。則丹爲

朽藥矣。

楣案是書將刻竣。仲兄郵示此數條。余反復推詳。所
論實爲瘍醫指南。因檢閱各卷。無從彙入。特附於敘
文之次。